



Na osnovu člana 37. i 87., stav 2. Zakona o državnoj službi u Tuzlanskom kantonu ("Službene novine TK", br: 7/17, 10/17, 10/18 i 14/18), a na zahtjev Kantonalne uprave za inspeksijske poslove Tuzlanskog kantona, Agencija za državnu službu Federacije BiH, objavljuje

JAVNI KONKURS
za popunu radnih mjesta državnih službenika
u Kantonalnoj upravi za inspeksijske poslove Tuzlanskog kantona

Radna mjesta:

- | | |
|--|-------------------------------|
| 01. Kantonalni veterinarski inspektor | - 1 (jedan) izvršilac, |
| 02. Kantonalni sanitarni inspektor | - 1 (jedan) izvršilac, |
| 03. Kantonalni zdravstveni inspektor | - 1 (jedan) izvršilac. |

01. Opis poslova: Veterinarski inspektor vrši inspeksijski nadzor nad provođenjem zakona i propisa koji se odnose na: zdravstvenu zaštitu životinja, kretanje i transport; suzbijanje i otklanjanje zaraznih bolesti životinja; zdravstvenu ispravnost sirovina i proizvoda životinjskog porijekla u proizvodnji, preradi i prometu; ispunjavanje veterinarsko-zdravstvenih uvjeta za objekte za proizvodnju proizvoda životinjskog porijekla, njihovo držanje i uskladištenje, promet i dr. kao i druge objekte (za proizvodnju hrane, oplodnju i dr.); obavljanje veterinarske djelatnosti, upotrebu veterinarskih lijekova i sjemena za vještačku oplodnju; proizvodnju, promet i upotrebu hrane za životinje; organiziranje i obavljanje veterinarske djelatnosti u veterinarskim organizacijama i samostalnoj veterinarskoj praksi; vršenje javnih ovlasti u primjeni zakona i drugih propisa o veterinarstvu; u vršenju poslova obavezno upravlja motornim vozilom; neposredno sprovodi i primjenjuje sve procedure i uputstva vezana za rad Uprave, koji se odnose na njegovo radno mjesto; obavljanje i drugih inspeksijskih poslova u skladu sa ovlaštenjima datim u pojedinim zakonima i drugim propisima, a po nalogu glavnog kantonalnog inspektora i direktora Uprave; za svoj rad odgovara glavnom kantonalnom inspektor i direktoru Uprave.

02. Opis poslova: Sanitarni inspektor vrši inspeksijski nadzor nad provođenjem zakona i propisa koji se odnose na: neposredno sprovođenje sanitarnog inspeksijskog nadzora u složenim situacijama; praćenje stanja higijene i preduzimanje potrebnih mjera u cilju poboljšanja higijensko-sanitarnih prilika na Kantonu; učestvovanje sa inspektorima zaštite okolice na preduzimanju mjera zaštite zdravlja stanovništva kroz zaštitu okolice; preduzimanje neophodnih mjera na osiguranju higijenske ispravnosti životnih namirnica i predmeta opšte upotrebe u prometu na Kantonu; praćenje novih saznanja u preventivi i usavršavanje rada općinskih sanitarnih inspektora kroz redovne konsultacije i edukacije; praćenje primjene propisa i iniciranje potrebne izmjene i dopune; kontrolu zaštite zdravlja ljudi, sprečavanje i suzbijanje zaraznih bolesti; kontrolu proizvodnje i prometa životnih namirnica i predmeta opće upotrebe koji su pod sanitarnim nadzorom; kontrolu proizvodnje i prometa otrova i sličnih supstanci; kontrolu snabdijevanja vodom i odstranjivanje otpadnih voda i materijala; kontrolu sanitarno-tehničkih i higijenskih uslova u javnim objektima (javni lokali, škole, ustanove socijalne zaštite i dječje zaštite i dr.) i drugim mjestima od značaja za osiguranje sanitarne, higijenske i protivepidemijske zaštite; kontrolu zdravstvenog stanja zaposlenih u djelatnostima i na poslovima koji su pod sanitarnom inspeksijskom kontrolom; kontrolu preventivnog sanitarnog nadzora nad

izgradnjom objekata; kontrolu zabrane upotrebe duhanskih proizvoda u skladu sa posebnim propisom; radi mjesečne izvještaje i dostavlja ih glavnom kantonalnom inspektor; u vršenju poslova obavezno upravlja motornim vozilom; neposredno sprovodi i primjenjuje sve procedure i uputstva vezana za rad Uprave, koji se odnose na njegovo radno mjesto; obavlja i druge inspekcijske poslove u skladu sa ovlaštenjima datim u pojedinim zakonima i drugim propisima, a po nalogu glavnog kantonalnog inspektora i direktora Uprave; za svoj rad odgovara glavnom kantonalnom inspektor i direktoru Uprave.

03. Opis poslova: Zdravstveni inspektor vrši inspekcijski nadzor nad provođenjem zakona i propisa koji se odnose na: sadržaj i kvalitet pruženih zdravstvenih usluga; nadziranje organizovanja i obavljanja zdravstvene djelatnosti u javnim i privatnim zdravstvenim ustanovama i privatnoj praksi u zdravstvu; nadziranje rada zdravstvenih radnika u obavljanju zdravstvene djelatnosti; nadziranje načina prijema, liječenja i otpuštanja pacijenata; nadziranje primjene metoda i sredstava za prevenciju, dijagnostiku, terapiju i rehabilitaciju; nadziranje provođenja javnih programa i mjera zdravstvene zaštite; nadziranje zakonitosti akata koji se donose u zdravstvu; nadziranje opskrbe lijekovima i drugim medicinskim sredstvima; nadziranje propisivanja i izdavanja lijekova; nadziranje zaštite prava građana u korištenju zdravstvene zaštite i medicinske pomoći; nadziranje postupanja zdravstvenih radnika i drugog osoblja prema pacijentima; radi mjesečne izvještaje i dostavlja ih glavnom kantonalnom inspektor; u vršenju poslova obavezno upravlja motornim vozilom; neposredno sprovodi i primjenjuje sve procedure i uputstva vezana za rad Uprave, koji se odnose na njegovo radno mjesto; obavlja i druge inspekcijske poslove u skladu sa ovlaštenjima datim u pojedinim zakonima i drugim propisima, a po nalogu glavnog kantonalnog inspektora i direktora Uprave; za svoj rad odgovara glavnom kantonalnom inspektor i direktoru Uprave.

Kandidati moraju ispunjavati opće uvjete iz člana 38. Zakona o državnoj službi u Tuzlanskom kantonu i to:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje najmanje prvog ciklusa Bolonjskog sistema studiranja, što se utvrđuje uredbom iz člana 10. stav (2) Zakona o državnoj službi u Tuzlanskom kantonu;
4. da je zdravstveno sposobno za obavljanje poslova predviđenih za to radno mjesto;
5. da u posljednje tri godine, od dana objavljivanja upražnjenog radnog mjesta, lice nije otpušteno iz državne službe kao rezultat disciplinske mjere, na bilo kojem nivou vlasti u Bosni i Hercegovini;
6. da nije obuhvaćeno odredbom člana IX 1. Ustava Bosne i Hercegovine.

Pored općih uvjeta kandidati moraju ispunjavati i posebne uvjete propisane Pravilnikom o unutrašnjoj organizaciji i to:

Za poziciju 01:

-VSS/VII stepen stručne spreme, odnosno najmanje visoko obrazovanje prvog ciklusa Bolonjskog sistema studiranja koji se vrednuje sa 300 ECTS studijskih bodova završen veterinarski fakultet,

- najmanje 3 (tri) godine radnog staža u struci, nakon položenog stručnog ispita za doktore veterinarske medicine,
- položen stručni ispit za doktore veterinarske medicine (obavezno upisati naziv, broj, datum i izdavaoca uvjerenja u dijelu prijavnog obrasca Agencije „Posebni ispiti traženi javnim konkursom“),
- položen ispit za vozača „B“ kategorije (obavezno upisati kategoriju vozačkog ispita, broj, datum i izdavaoca vozačke dozvole u dijelu prijavnog obrasca Agencije „Posebni ispiti traženi javnim konkursom“),
- poznavanje rada na računaru.

Za poziciju 02:

- VSS/VII stepen stručne spreme, odnosno najmanje visoko obrazovanje prvog ciklusa Bolonjskog sistema studiranja koji se vrednuje sa 360 ECTS studijskih bodova završen medicinski fakultet ili 360 ECTS studijskih bodova završen stomatološki fakultet ili 300 ECTS studijskih bodova završen farmaceutski ili veterinarski fakultet ili 240 ECTS studijskih bodova završen zdravstveni studij odsjek sanitarnog inženjerstva (obavezno upisati traženi odsjek zdravstvenog studija u dijelu prijavnog obrasca Agencije „Obrazovanje“),
- najmanje 3 (tri) godine radnog staža na poslovima svoje struke nakon završene visoke stručne spreme,
- položen ispit za vozača „B“ kategorije (obavezno upisati kategoriju vozačkog ispita, broj, datum i izdavaoca vozačke dozvole u dijelu prijavnog obrasca Agencije „Posebni ispiti traženi javnim konkursom“),
- poznavanje rada na računaru.

Za poziciju 03:

- VSS/VII stepen stručne spreme, odnosno najmanje visoko obrazovanje prvog ciklusa Bolonjskog sistema studiranja koji se vrednuje sa 360 ECTS studijskih bodova završen medicinski fakultet ili 360 ECTS studijskih bodova završen stomatološki fakultet ili 300 ECTS studijskih bodova završen farmaceutski fakultet ili 240 ECTS studijskih bodova završen fakultet zdravstvenih studija - odsjek sanitarnog inženjerstva (obavezno upisati traženi odsjek zdravstvenog studija u dijelu prijavnog obrasca Agencije „Obrazovanje“),
- najmanje 3 (tri) godine radnog staža na poslovima svoje struke nakon završene visoke stručne spreme,
- položen ispit za vozača „B“ kategorije (obavezno upisati kategoriju vozačkog ispita, broj, datum i izdavaoca vozačke dozvole u dijelu prijavnog obrasca Agencije „Posebni ispiti traženi javnim konkursom“),
- poznavanje rada na računaru.

Prijavljivanje - potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Tuzlanski i Posavski kanton, Trg Slobode bb, 75000 Tuzla ili na web stranici Agencije www.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom Obrascu uvjerenja (može se preuzeti u prostorijama Odjeljenja Agencije za Tuzlanski

i Posavski kanton, Trg Slobode bb, 75000 Tuzla ili na web stranici Agencije (www.adsfbih.gov.ba).

Nisu izuzeti od polaganja ispita općeg znanja, kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uvjeta javnog konkursa. Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva. Kandidati u javnom konkursu moraju ispunjavati uvjete javnog konkursa sa danom njegove objave, u „Službenim novinama Federacije BiH“ neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH“, putem pošte, preporučeno na adresu:

**Agencija za državnu službu Federacije BiH
Odjeljenje Agencije za Tuzlanski i Posavski kanton
Trg Slobode bb, 75 000 Tuzla**

sa naznakom:

**“Javni konkurs za popunu radnih mjesta državnih službenika
u Kantonalnoj upravi za inspeksijske poslove Tuzlanskog kantona
sa pozivom na broj: 09-30-8-94/20”**

DIREKTOR

Refik Begić, magistar uprave